

PEMBERITAHU PERTANYAAN

DEWAN RAKYAT, MALAYSIA

PERTANYAAN : BUKAN LISAN
DARIPADA : YB DATUK RAIME BIN UNGGI
KAWASAN : TENOM
NO. SOALAN : 178

YB DATUK RAIME BIN UNGGI minta **MENTERI PERDAGANGAN ANTARABANGSA DAN INDUSTRI** menyatakan jumlah perdagangan Malaysia pada tahun 2012, 2013, 2014, 2015 dan 2016 dan sektor mana yang menyumbangkan kepada peningkatan eksport negara.

Tuan Yang Di Pertua,

1. Pada tempoh 2012-2016, Malaysia mencatatkan peningkatan jumlah dagangan yang positif.
2. Pada tahun 2012, jumlah dagangan sebanyak RM1,309.32 bilion telah dijana dengan peningkatan sebanyak 3%. Pada tahun 2013 sebanyak RM1,368.69 bilion dicatatkan dengan kenaikan sebanyak 4.5%, diikuti tahun 2014, sebanyak RM1,448.35 bilion jumlah dagangan dengan kenaikan sebanyak 5.8%.
3. Seterusnya pada tahun 2015, Malaysia mencatatkan jumlah dagangan sebanyak RM1,463.13 bilion dengan kenaikan sebanyak 1%. Manakala pada tahun lalu (2016), sebanyak RM1,484.6 bilion jumlah dagangan telah direkodkan dengan pertumbuhan sebanyak 1.5%

Jadual 1: Jumlah Dagangan Malaysia pada tahun 2012-2016

Tahun	Eksport (RM' bilion)	Import (RM' bilion)	Jumlah Dagangan (RM bilion)	Pertumbuhan Jumlah Dagangan	Lebihan Dagangan (RM bilion)
2012	RM702.64	RM606.68	RM1,309.32	3%	RM95.96
2013	RM719.99	RM648.69	RM1,368.69	4.5%	RM71.30
2014	RM765.42	RM682.94	RM1,448.35	5.8%	RM82.48

2015	RM777.36	RM685.78	RM1,463.13	1%	RM91.58
2016	RM785.93	RM698.66	RM1,484.60	1.5%	RM87.27

4. Dari segi sumbangan eksport pada tahun 2016, Malaysia telah mencatatkan pertumbuhan eksport sebanyak 1.1% walaupun berlaku ketidaktentuan dalam ekonomi global serta kejatuhan harga komoditi yang ketara.
5. Eksport negara dapat dikategorikan kepada 3 kumpulan produk utama iaitu perkilangan, pertanian dan hasil galian.
6. Pada tahun 2016, barangang perkilangan kekal sebagai penyumbang utama bagi eksport Malaysia dengan 82.2% syer atau RM645.67 bilion daripada jumlah eksport. Antara sektor utama barangang perkilangan yang menjana hasil eksport negara adalah:
- Elektrik & Elektronik, RM287.73 bilion (36.6%);
 - Kimia & Bahan Kimia, RM58.99 bilion (7.5%);
 - Petroleum, RM54.5 bilion (6.9%);
 - Jentera, perkakasan & peralatan, RM37.68 bilion (4.8%); dan
 - Barangang perkilangan logam, RM33.39 bilion (4.2%).
7. Selain barangang perkilangan, eksport negara turut dijana oleh keluaran pertanian dan hasil galian yang masing-

masing menyumbang sebanyak 9% dan 8.2% daripada keseluruhan hasil eksport. Antara produk utama keluaran pertanian ialah minyak sawit & keluaran berasaskan sawit dan getah asli, manakala produk utama hasil galian adalah gas asli cecair (LNG) dan petroleum mentah.